

Соғлиқни сақлаш соҳасида 2019 йилнинг 1 чорагида амалга оширилган ишлар тўғрисида МАЪЛУМОТНОМА

Соғлиқни сақлаш тизимини яхшилаш, аҳолига кўрсатилаётган бирламчи тиббий санитария, шошилинч ва тез тиббий ёрдам, ихтисослаштирилган хизматлар сифатини ошириш, арzon ва сифатли доридармон ва тиббий буюмлар билан таъминлаш, хусусий тиббиётни ривожлантириш бўйича бир қатор ислоҳотлар амалга оширилмоқда.

Қабул қилинган норматив ҳукуқий ҳужжатлар ижросини таъминлаш мақсадида вазирлик томонидан тизимли ишлар амалга оширилиб, бир қатор ижобий натижаларга эришилди.

2019 йилда Давлат бюджетидан соғлиқни сақлаш соҳасига жами 12,1 трлн. сўм ажратилиши режалаштирилган, бу эса Давлат бюджетидан аҳоли соғлиғини сақлашга йўналтирилади. Давлат бюджетидан соҳага ажратилган маблағлар 2017 йилга (7,3 трлн. сўм) нисбатан ўсиши 1,6 баробарни, 2018 йилга (9,6 трлн. сўм) нисбатан эса 1,3 баробарни ташкил этади.

Бунда, умумий бюджетнинг 7,7 трлн. сўми - тиббиёт ходимларининг иш ҳақи ва иш ҳақига ҳисобланган ажратмаларга қаратилиб, жумладан 2018 йил 1 декабридан 1,2 бараварга ҳамда 2019 йил 1 апрелдан 1,15 бараварга иш ҳақлари оширилиши билан боғлиқ харажатларни ҳам қамраб олади.

Давлат бюджетидан соғлиқни сақлаш тизимидағи тиббиёт муассасаларининг дори воситалари ва тиббий буюмлар харидлари харажатларига жами 1,0 трлн. сўм ажратилди. Ажратилган маблағлар 2017 йилга (434,3 млрд. сўм) нисбатан ўсиши 2,3 баробарни, 2018 йилга (914,6 млрд. сўм) нисбатан эса 1,1 баробарни ташкил этади.

2019 йилда Соғлиқни сақлаш тизимидағи жами 231 та объектда қурилиш, реконструкция ва мукаммал таъмирлаш ишларини амалга ошириш учун 972,3 трлн. сўм маблағ йўналтирилиши кўзда тутилган.

2019 йил 1 апрель ҳолатида тиббиёт объектларида 128,5 млрд. сўмлик (13%) ишлар бажарилган, 144,5 млрд. сўм (15%) молиялаштирилган.

2019 йилда хорижий инвестициялар қиймати 301 млн. АҚШ долл. тенг 8 та лойиҳа амалга оширилиб, 110,02 млн АҚШ долл. ҳукумат томонидан кафолатланган хорижий инвестицияларни ўзлаштириш режалаштирилган. 1 апрель ҳолатига режадаги 6,4 млн АҚШ долл. урнига 9,37 млн. АҚШ долл. (146,5%) ўзлаштирилди.

Халқаро тарракқиёт ассоциацияси (Жаҳон банки) кредит маблағлари ҳисобидан “Саломатлик-3” лойиҳасини амалга ошириш доирасида йил давомида 15,75 млн. АҚШ долл. ўзлаштирилиши режалаштирилган.

Ислом тарракқиёт банки иштирокидаги “Ўзбекистон Республикаси онкология муассасаларини модернизация қилиш» лойиҳасини амалга ошириш доирасида 2019 йил Инвестиция дастурига асосан 16,8 млн АҚШ долл. ўзлаштирилиши режалаштирилган.

“Болалар кўп тармоқли тиббиёт марказини барпо этиш” лойиҳаси бўйича қурилиш ишлари давом этмоқда. Жорий йилнинг август ойидан бошлаб тиббий асбоб-ускуналар ва мебелларни етказилиши бошланади.

Тиббий кўрик натижаларига кўра, **16,9** минг нафар беморлар амбулатор ва **5,1** минг нафар беморлар стационар шароитда даволанди. Ҳудудларда диагностика ва даволашнинг янги услубларини ўргатиш ва жорий этиш мақсадида **723** та маҳорат дарслари ҳамда **501** та семинарлар ташкил этилди.

Мамлакат тез тиббий ёрдам хизматининг моддий-техник базасини ривожлантириш ва унинг фаолияти самарадорлигини ошириш белгиланган. Ушбу долзарб муаммоларни ҳал қилиш мақсадида “Тез тиббий ёрдамни ривожлантириш жамғармаси” ташкил қилинди. Янги ҳарид қилинган 231 та реанимобиллар 4,1 млн. АҚШ доллари миқдоридаги зарур асбоб-ускуналар билан тўлиқ жиҳозланди. Кейинги босқичда яна 1200 та тез тиббий ёрдам машинасини тўлиқ ва 712 та автомобильни қўшимча жиҳозлаш режалаштирилган.

Жорий йилни ўтган уч ойи давомида 161 минг нафар чақалоқлар туғилиб, уларни гепатит В, сил, инактивланган полиомиелит вакцинаси билан эмлаш қамрови 99 фоизга амалга оширилди. 152 минг нафар болалар қизамиқ-паротит-қизилча ва пневмококк инфекцияларига, дифтерия, қоқшол, кўййуталга қарши эмлаш билан қамралди.

Болаларда бошқариладиган юқумли касалликларнинг олдини олишни кучайтириш мақсадида 2019 йилга режа бўйича 715 535 нафар болага 12 хил юқумли касалликларга қарши 10 хил вакциналар билан эмлаш режалаштирилган.

Ҳомиладорликнинг биринчи уч ойлигига аёлларни оммавий тарзда ультратовуш текширувидан ўtkазиш учун марказий кўп тармоқли туман ва шаҳар поликлиникаларининг пренатал ташхис хоналарини юқори ҳал этиш қобилиятига эга бўлган стационар 200 та УЗИ-сканерлари билан жиҳозланди.

Республикада 2019 йил ушбу давр мобайнида дастлабки маълумотларга кўра, оналар ўлими интенсив кўрсаткич 12,4 промиллени ташкил этиб, 2018 йилнинг ушбу даврига нисбатан 14,1га камайган. 2018 йилда 26,5 ни ташкил этган. 2019 йил ушбу давр давомида гўдаклар ўлими интенсив курсаткич 8,8 ни ташкил этиб, ўтган йили шу даврига нисбатан 1,4 га камайган. 2018 йилда 10,2 ни ташкил этган.

Иқтисодиёт ва саноат вазирлиги Ахборот хизмати